

NSA’ NGA NJÚ TE PA MFÉÉ KÊT MÚN NYŪTU

NJÚE ME SHÚKÉT

Lo’ te ka kúmshe nga wúme, yúe a njit ne gú púen te ngúet púen nyūtu pua pa mfée kê’ap ngúenengúe sebe, pe na yire mbe map(ureyúe’ne) kú ghét ngam pua sappé ne fúeshe te njú na, lo’ te ka fét kwen pua tâne pa mfée kêt mún nyūtu kpa’ nkiére gú ngétne nga pâre yúe a mfiébe

Wupme pa te njú na, pua ka tuo tuo njú mfe ira yúe púen nyūtu ntuo pe ne kú shúkét pua kú wúshe te túm túme puô pua ngúe’, shi na mbe pô yi nsa’ me pum yu sha’ múm nyūtu na,

Lo’ te ka a nta’ mi pa mféékêt mún nyūtu kpa’ mbe yu shí te nsa’ngu mféékêt me shí’ mi a me yétne yi njit mún nyūtu me ndiní ne pi’ tu te nsa’kpen pua yit mún te ngu na,

Lo’ te ka a ntá suo nshi’ shâne sun ma fâne túm túm ma,

Lo’ te ka, te mã kèn, túm túm te nda shut ngu ngu mbône kpa’ mbit nféére pemtú yap te map map mféékêt mún nyūtu, lo’te wúme pua nga’két mbe mún nyūtu, te ngúenengúe pa mféékêt pemba pua pemgbié mbi pit nsa’ ndishut te yi ndüere tam kut te wume la’ pua yi mféére fuomkét fuomkét mmanjé wume te ndà lône kú ghét ngam ma.

Lo’ te ka gú nsa’ ngu ngu kpa’ nsèn te pamme mbuo pua nda nshùt ngumbône, yi mbe ngum nshin pa mféékêt mún nyūtu pua map map kú ghét ngam ma,

Lo’ te ka yi nyéte mbuomshe shire shire pa mféékêt pua pa kú ghékét ngam pe na pô nga ngûre te yi ngûre yire yi gbèt kèn nsebe na,

Puomshe Mbadem mún

nâ tupshe yire yi nsa’ nga njú, ti pa mféékêt mún nyūtu, po yúe wupme ndi nshur’úe a nta’mi gú túm túm pua ngu ngu yétne yi ngum pô nshin na, me shí’mi gú púen ne gú pe kpúére pûen te la’, yúe pe nshùshù’ yire yi nsa’ ngam me wupme na, pe ne ma’si’ te yu lére puo kúú wupme, a yétne fa pé, lo’te ndi ngam membéte, túm te ngu ngu pua fâne ngu ngu, lo’ te kúmshe pua shétte te ngétne nga mbône mún nsebe ngúe ngúe me rû pa te ngu ngu nda shút puonepuo pua fâne nsié ngu ngu shúe pe nsa’na.

Pum mgbefi 1

Pe nâ mvé gú puen nyūtu pô te mbe kú ghét ngam pua ngúenengúe mbe te wúme nsebe pua pa mféékêt. Pen â ntúm te mbe kú rem ngam pua fabshe ngam, a nshi nîr’ap ne yi nshâne ngétne nga shap pô te wupme pontâ.

Mgbefi mbete 2

Nshié mún yétne yi ngét kú ñwet te gú pa mféékêt pua kú ghét ngam túm te yire yi nsa’ nga njú, shi mshié nsènte me túm, me ngup, me sù, me shùket, me nga nyinyi, me nda ntañ, ké mo’ nshié wupme túm lo’te la’ ké lo’ te fâne púen’e, lo’ te nkap, lo’ te vé ké lo’ te mo’ nshié mbe.

Mo’nké nshié nsènte ntap ndo’ tèr’i mo’ ngâ shi te mgbète ntañ, mgbète kèn ké mgbète fâne túm túm ngu ké sâ ngu múm nyūtu, pa yúe yire ngu ké sâ ngu mbe ne shútu na, nshin nsa’ mo’ ngu na, shi pe ne kú ghét ngam ké mbe pô ne pâshe shútu na.

Mgbefi mbete 3

Nshié mún nyūtu ghét mfée kêt wume, mfée kêt kú ghét ngam pua mfée kêt tènntúúm wume te mbe mi.

Mgbefi mbete 4

Mo’ nshié mún ntap ndo’ pe’i mkpèn ké te mbe fa’kpèn ne, me nga kâ kpèn pua ntèn kpèn ka kpa’ njié kèn te gú mbe map mentèn na.

Mgbefi mbete 5

Mo’ nshié múm nyūtu ntap ndo’ pi’ kwete’i ngúe’ menduwan.

Mgbefi mbete 6

Nshié mún ghét mfée kêt wúme ntu nté ni pue nkèn te gú lí’ mentèn.

Mgbefi mbete 7

Gú púen kpa’ na mbe pô ngúe ngúe mesù kèn mbi pit ngékét mfée kêt shi nsènte mbe te ka kèn ntúe’she wap ngúenengúe na. Gú yap ghékét ngúenengúe mfée kêt ntúe’she me shí’ yi nkú’ ranami yúe a nte pe nsùene yire nsa’ ngam ma, mo’ nké yétne yi nèn nshié rône yúe a nsúshe rane-mi na.

Mgbefi mbete 8

Nshié mún pua ne mfée kêt yi mfa ñwer’i tu gú nda sa’ ngu yúe a yétne yi mfêr’i te map map pa mfée kêr’i túm te mã kèn ké kèn ngu.

Mgbèfî mbète 9

Nshíé mún mâ njetne’ i yi mbe yu vé te kú tú mo’ mún, ké yi mshùshù’ i, ké yi ntùme’i te ngu.

Mgbèfî mbète 10

Nshíé mún nyùtu ghét mféé kêt, ngúenengúe nsebe, ne ka pe njetne yi nju’ mbie’ne sa’ shi me ndô nguere te nda sa’ shùtu shi nga rane-mi ntúúm ña yùe pe ntuo li sa, tupshe pa mféé kêt’i pua kêt’i na, ké yi ntupshe mgbú sa’ shi yúe a ntuo suo’i ne sa’ na.

Mgbèfî mbète 11

Nshíé mún’úe pe nsôme’i na, pum na mbe ndi’ pô ngâ gbú sa’, kúka kèn ki’re nguo kwete mgbú sa’ shi te nda sa’, me ndô nguere, ña yúe loya njétne yi mfer’i pôkéri na.

Pe ntap ndo’ suo’i sa’ ndun nshíé mún, lo’ te ngékét pua shu shi ghet ké shu shi rié, fú’ yié ka a ndi’ pô fubkèn túm te kèn ngu ke’ ken nú mansié. Mo’ nké shi pe mbi’ ndo’ njap nsuo sa’ ndun mún à rét nja’ yúe a pemi té mbe yi mgbète te fú’ fubkén na.

Mgbèfî mbète 12

Nshíé mún yíé ndi’ yúe pe ndo’ mbe mbib’i ne yi lo’ nyî te nga wumeshi yi’she, pa nshut nda’i, li’ shu’i ké lérewa shi, shi núshe ntu nté mi pua ngétne nga shi yi mbôkét. Nshíé mún nyùtu ghét mféé kêt túe’she lo’ puo kén meshi’ yi nkü yúe pe mbe mbib’i ké yi mbe ñùshe’ i ne.

Mgbèfî mbète 13

Nshíé mún nyùtu ghét mféé kêt ghét kú yi nkétne ne yi nsho’ li’ shu’i (nka’shi) te nshíé ngu.

Nshíé mún nyùtu ghét mféé kêt yi ntúm nshíé ngu, mbû ngu’i, mbit nkù njétne yi mbùtne ntúúm.

Mgbèfî mbète 14

Te ka pe mbe nta’ vé mún na, mbû i ghét mféé kêt yi nta’ li’ kebkebe mbit, nkú kwete li’ kebkebe te shimo’ ngu.

Yire yi mféé kêt ndi’ yu rié te pa vévé yúe mún ghét püü ngûre na, ké te ngétne nga yúe a ndi’ yùni pua nsa’ nga nú mansié na.

Mgbèfî mbète 15

Nshíé mún nyùtu ghét mféé kêt yi mbe ntúmsié ndi la’.

A ndi yétni ne yúe pe nkuot ntúmsié la’ puo mún, ké yúe pe nkuot mféé kêt yi kupshe ntúmsié la’pue’i nâ.

Mgbèfî mbète 16

Lo’ te lúm li,membâ po memgbié nghétkét mféé kêt yi ndâme mbit njétne yi nsèn ngùet mún, shi tié nto’ne nga túm, nga la’ púen ké nga nyinyi púen ne. Pe ghét kêt na mféé kêt te lam pô ngúenengùe, lo’ te wume lam pua fú’ yié ka pe ño lam ma.

Kutlam shu na pô te ndi nshut pua pééme pè’ghâ yi ndâme.

Ngúet mún pua nki map mbadem mún lo’ fem nshin mo’nké mbi ghét mféé kêt kwete shi lo’ puo mbadem mún pua nsa’ngu.

Mgbèfî mbète 17

Nshíé mún, yi’she ké me rû pùen ne, ghét mféé kêt ghét kú yi yúm.

Pe mâ njétni yi nvé mún nkuot kú yu’i.

Mgbèfî mbète 18

Nshíé mún nyùtu ghét mféé kêt kú rem ngam, yi, ne nga nyinyi; yire yi ntupshe yi ngét kú kupshe nga nyinyi ké ghét kú ghét nga nyinyi yi’she ké te puomshe me ndôngúere ké me lúemshe, lo’ te yu lére, gû ngéri, fa ngûre ne nyinyi pua ghét gû mgbète ntuoat nga nyinyi.

Mgbèfî mbète 19

Nshíé mún pua ne mféé kêt ghét kú ghét wupme ne yi nshúkére, yire yi ntupshe mféé kêt yi mbe shi yétne yi kwete nkamkét ngam me shi’ gû wupme shi ne mféé kêt yi njétne yi nta’ yi nkweite mbit nsam gû pesa’kúe pua wupme te nshíé manjé yi nsâme.

Mgbèfî mbète 20

Nshíé mún pua ne mféé kêt ghét kú ghét puomshe ne ghét nda nshút puomshe te fúeshe.

Pe fa pe pe yíé yíri mún i pe mún nda puomshe.

Mgbèfi mbète 21

Nshíé mún ghét mféé kêt yi nshàre tésù te pesa'kúe npa ngu'i, ké me mún nténe, ké njem púenpúe pe sha' sh sh na.

Nshíé mún ghét mféé kêt yi ngét ntu nté te nsa'ngu'i lo'te ngúenengúe mbgète kèn yi kwete.

Kú ntu pa te ngu pe na yire mbe meyùe'ne (to'she) ne pâwa nsa'ngu. Yire yi kú ntúúm pe nâ yitkéri te nshòshî pô lo' te shisho' nzènkét te gû pe rap fû', nère nshíé mún sho' yi ngúengúe yíé momap, me lúem ké yúe pe nsho 'mo' nza fécên shi yít mún mbe na.

Mgbèfi mbète 22

Nshíé mún, me rû lala pa te ngu, ghét mféé kêt yi mbe ne tèn ntúúm wume mb ne mún. A nâ tèt ngâ shi lo'te yi kwete lúúm ntúúm pa mféé kêt shùshù' mbèt pam, fâne pún te la' ne nga yi ntuet pún yúe a nkpa'she njit te nga wúme shi na, pua nga lúere púnte ntu nté mi na, lo' te ma'si' ngu pua shàne wume ngu ngu, mbe njùe'ne te nga yi nsh she ne nga mbètpam nshíé ngu.

Mgbèfi mbète 23

Nshíé mún nyütu ghét mféé kêt fa', kú sho' fa' shi, lo'te mgbète fa' yùe a pua yi ghapshe ngúe ngúe ne shîre lem túúm pua yi nèn manjé ne nga shu ndem na.

Gú pùen ghétkét mféé kêt ngúenengúe péé te ngúenengúe fa' shi rane mi mbe.

Nshíé ngâ fa' ghét mféé kêt péé a pe yétni mbit mbe yi shîre ntúúm mbe nshàre'i pua ngùr'i te wume yúe a yùne pua wúme ndun mún nyütu na, nzishipe yi mbe nsham pa mebú're te shimo'mmanjé yíéka a ntâne na.

Nshíé mún ghét mféé kêt yi njùp nda nshút tùe'she sée mbètpam pua shimo' pùen mbi pit njétne yi nyi te shire shúe nda shút meshi' tùe'she sée shi.

Mgbèfi mbète 24

Nshíé mún ghét mféé kêt gbùne ñwet pua pa fône fú'ndem ntamme pékét mgbète fú' fa'ne ngab ngab'úe a pua yi péé te pe rap fú' na.

Mgbèfi mbète 25

Nshíé mún pua ne mféé kêt kwete ntu nté wume njétne a pe yi fú'she njap ñwet, nshu mbòkér'i ne shi ngúer'i, ntamme meshi' njùpayù, ma'shùe', nda nshu, yüre shi, lâne pe fa' fèt pùen te la', yùe pe ghét shèt nga shi na I ghét mféé kêt puo-ghàme nsa'ngu me yúe i mbe shi fa' na te ya na, ne kúlúemshe na, te küü na, te réne na ké te shi mo' mbe yúe kú wume sié puo'i, lo'te nkamkét ngam'úe a ndi' te kú ntú'i na.

Nda vé pua pon kpa'she ngét mféé kêt yi nkweite ghàme ne mfère yúe a pua shétfi na. Gû pon, mbû pon njem nâ ngum nshin ngúenengúe túshe pa te la'.

Mgbèfi mbète 26

Nshíé mún nyütu ghét mféé kêt yu lére (kúú wupme). A nâ njit mi kúú wupme pe pô ndem ndem, nkúeshî yétne yi mbe yu lére me njiéshî (pum yu lére) yúe a pua meyùe'ne mbit mbe nkparé'na. Njiéshe yu lére pua pô yitkéri. Yu lére ntu mbue ne yi yi fa' nâ njit mi pe sâm. mbe njit yúp ndalérewa ngutngûre me nsa'ne ne pún me mfû' kú ngur'ap.

A nâ njit mi yu lére pe nshéene runkét fú'she ntu nté mún nyütu ne suo kú yi mfa puô pa mféé kêt mún nyütu ne mkpara' fône kú ghét ngam. A nâ njit lúere nju'ngam mümshe ne sun me fâne ngu ngu ne gú lap lap túm túm ké nga nyinyi, shi lâne tamkut te ngétne nga nda shút ngu ngu mbône, meshi' shùshù' fúeshe.

Pa mvévé, te fakú, ghétkét mféé kêt yi nsho' nga yu lére yùe pe yétne yi mfa ne pon pap na.

Mgbèfi mbète 27

Nshíé mún ghét mféé kêt yi ngum fúeshî tu wume ntuet mbône mún, yi nsée te pa ghére ntu mbue ne yi ndù'nga wuo nkú sú te yi yu ghére pua ngambòkér'i.

Nshíé mún ghét mféé kêt yi kwete tùe'she te sée nga ntuet pua mbètpam tùm te yu fû'she yi yi yu ghére, yi yi yu tùete ke yi yi yu ghére ntu mbue yúe i ghét na.

Mgbèfi mbète 28

Nshíé mún ghét mféé kèr'ùe a mbe nsa' lo' te fâne pún pua ngu ngu, mgbète kèn kûka pa mféé kêt pua kú ghétkét ngam te yire yi nsa' nga njú njetne yi mbe wumkéri ntúúm na.

Mgbèfi mbète 29

mún nyütu ghét kup kup mfa mfe ndun mbône mún ña yúe a li mî fône pua runkét tamkut te ntu nté mi yétne yi mbe na.

Te rûne pa mféé kèr'i pua lúúm ntúúm te kwete kú ghétkét nga shi, nshíé mún nâ mkpem ñwor'i te ndút ndút kèn meshi' wúme pua fa puô pa mféé kêt pua kú ghét ngam ne montâ a lo' mfa pû ne ndú nga kúú

wupme ngambókét, mgbète nga nsa’ngu ne nshubókét mbadem mún te ngu shùtu.

A mà njétni mi shire pa mféé kèt pua kú ghét ngam lo’ mbe mfa’ne pua gû pa sha’ne gû mgbète nsa’ ngam nda shùt ngu ngu mbône.

Mgbèfi mbète 30

Mo’ nshié me yúe’ne lo’ te yire yi nsa’ ngam mà njetni suo kú nshié nsa’ ngu, lap lap pùen ké ndí mún ne, ne yi ngét nshié mféé kèt te ghét pesa’kúe yúe pe fa a nyé’re pa mféé kèt puo kú ghétkét ngam’ùe pe ntanke ntúúm ma.